



## **Ntabwo nabarahije kubera ko hari icyo mbashinja, ahubwo Malayika Djibril yaje ansanga ambwira ko Allah Nyir'ubutagatifu abaratiye abamalayika!**

Hadith yaturutse kwa Abi Said Al Khud'riy yaravuze ati: Mu'awiyat (Imana imwishimire) yagiye mu musigiti asanga abantu bari mu cyicaro, maze arababaza ati: Ni iki kibicaje hano? Baramusubiza bati: Twicaye dusingiza Allah! Arongera arababaza ati: Mumbwize ukuri kubera Allah, nta kindi cyabicaje aha uretse icyo? Baramusubiza bati: Turahiye ku izina rya Allah ko nta kindi cyatwicaje aha uretse icyo! Arababwira ati: Ntabwo nabarahije kubera ko hari icyo mbashinja, ndetse nta muntu wari ufite urwego nk'urwo nari mfite ku Ntumwa y'Imana (Imana iyihe amahoro n'imigisha), wakiriye Hadith ncyeye kumurusha: Kandi Intumwa y'Imana (Imana iyihe amahoro n'imigisha) igihe kimwe yasanze abasangirangendo bayo bicaye mu cyicaro, irababaza iti: Ni iki kibicaje aha? Barayisubiza bati: Twicaye aha twibuka Allah ndetse tunamusingiza kubera ko yatuyoboye muri ubu buyisilamu, ndetse akanaduhundagazaho ingabire zabwo! Nuko Intumwa y'Imana (Imana iyihe amahoro n'imigisha) irongera irababaza iti: Mumbwije ukuri kubera Allah ko nta kindi kibicaje aha uretse icyo? Baramusubiza bati: Tukubwije ukuri kubera Allah ko nta kindi kitwicaje aha uretse icyo! Nuko irababwira ati: Ntabwo nabarahije kubera ko hari icyo mbashinja, ahubwo Malayika Djibril yaje ansanga ambwira ko Allah Nyir'ubutagatifu abaratiye abamalayika!"

[Hadithi y'impamo] [Yakiriwe na Muslim]

Mu'awiyat Ibun Abi Sufiyani (Imana imwishimire we na se) yaragiye asanga abasangirangendo bicaye mu musigiti, ababaza impamvu bicaye aho, Bamusubiza ko bicaye kubera gusingiza Allah! Nuko arabarahiza ngo bamubwize ukuri niba koko bicaye nta yindi mpamvu uretse gusingiza Allah no kumusingiza! Nuko baramurahirira; Hanyuma arababwira ati: Ntabwo nabarahije kubera ko hari icyo mbashinja cyangwa se nshidikanya ku kuri kwanyu, ababwira urwego yabarushaga ku Ntumwa y'Imana (Imana iyihe amahoro n'imigisha) n'uburyo yayihoraga bugufi, kubera ko mushiki we Umu Habibat yari umugore w'Intumwa y'Imana (Imana iyihe amahoro n'imigisha), no kuba yari umwe mu banditsi b'ubutumwa (Wahyi) igihe bwahishurwaga, ariko hamwe n'ibyari mu banditse Hadith ncyeye bakuye ku Ntumwa y'Imana (Imana iyihe amahoro n'imigisha). Ababwira ko Intumwa y'Imana (Imana iyihe amahoro n'imigisha) umunsi umwe yasohotse mu rugo rwayo, isanga bamwe mu basangirangendo bayo bicaye mu musigiti, basingiza Allah banamwibuka kubera ko yabayoboye mu buyisilamu, ndetse anabahundagazaho ingabire ze, nuko Intumwa irabibaza iranabarahiza ngo bayibwiza ukuri nkuko Mu'awiyat (Imana imwishimire) yabigenje hamwe na bagenzi be; Intumwa y'Imana (Imana iyihe amahoro n'imigisha) irangije ibabwira

impamvu yabarahije ko Malayika Djibrilu (Amahoro ya Allah amubeho) yayisanze akayibwira ko Allah yabaratiye abamayika, kubera agaciro kabo n'igikorwa cyiza bari gukora, ndetse akanabavuga ibigwi.

<https://sunnah.global/hadeeth/rw/show/3007>

النجاة الخيرية  
ALNAJAT CHARITY

